

14 January 2025

समे .18:15 Hrs

<><><><><><>

### Headlines

- प्रधानमंत्री नरेंद्र मोदी होरें भारतीय मौसम विभाग दे 150में स्थापना दिवस दे मौके पर मिशन मौसम दी शुरूआत कीती। एहदे राएं भारत हर मौसम लेई तैयार रौहगा।
- रक्षा मंत्री होर अखनूर च साबका फौजी दिवस सरबंधी कार्जक्रम च शामिल होए। उनें आखेआ जे सेना दे बलिदान करी मुल्ख सुरक्षित ऐ ते जम्मू-कश्मीर मकबूजा कश्मीर बगैर अधूरा ऐ।
- मुख्मन्त्री होरें सशस्त्र बलें दे बलिदान गी श्रद्धांजलि दिती ते उन्दे योगदान गी चेता कीता। उनें आखेआ जे सरकार इंदी भलाई-बेहतरी लेई बचनबद्ध ऐ।
- सेहत मंत्री स्कीना इत्तू होरें राजौरी दे बडाल ग्रं च होई दी मौती दी जांच दा भरोसा दोआया। उनें आखेआ जे एहदी वजहें दा पता लाने लेई मेडिकल टीमां तैनात कीतियां गेदियां न।
- मकर संक्रांति दे मौके पर श्री माता वैष्णो देवी जी दी कुदरती गुफा गी श्रद्धालुएं लेई खोली दिता गेआ ऐ।

<><><><><><>

### PM-Mission Mousam

प्रधानमंत्री नरेंद्र मोदी होरें देश गी हर चाल्ली दी आबोहवा च कुसै बी किस्मै दी मौसमी चुनौती दा मुकाबला करने च सक्षम ते कुशल बनाने लेई मिशन मौसम दी अज्ज मौसम मैहकमे दे 150में स्थापना दिवस दे मौके पर शुरूआत कीती। इस मौके पर बोलदे होई प्रधानमंत्री नरेंद्र मोदी होरें आखेआ जे मिशन मौसम भारत दे उस धेइयै दा सबूत ऐ जेदे राहें ओह इक्क मजबूत ते भविक्ख आस्तै तैयार राश्ट्र दा निर्माण करोग। नरेंद्र मोदी होरें भारतीय मौसम विभाग दे 150में बरे दी जात्तरा दी सराहना करदे होई आखेआ।

<><><><><><>

### Defence-Minister

रक्षामंत्री राजनाथ सिंह होरें सेना दे जवानें दे बलिदानें दी सराहना करदे होई इस गल्ल पर जोर दिंदे होई आखेआ जे देश दा उग्रवाद कोला बचाऽ करने आस्तै उंदी बड़ी बड्डी भूमिका ऐ। भारती फौज पासेआ पूर्व सैनिकें दी अखनूर च आयोजित इक रैली गी संबोधित करदे होई रक्षा मंत्री होरें आखेआ जे फौज दे जवान देश गी उग्रवाद कोला बचाने लेई अपनी जानें दा बलिदान देआ करदे न। राजनाथ सिंह होरें जोर दिंदे होई आखेआ जे पाकिस्तान आहले कब्जे आहले जम्मू-कश्मीर दे बगैर जम्मू-कश्मीर अधूरा ऐ। इस मौके रक्षा मंत्री होरें आखेआ।

राजनाथ सिंह होरें साबका फौजियें दी बहादुरी दी सराहना करदे होई आखेआ जे स्हाढे सुरक्षाबलें दुश्मनें गी लडाइयें च लगातार हराइए स्हाढे देश दी रक्षा कीती ऐ। इस मौके पर रक्षा मंत्री होरें अखनूर हैरीटेज म्यूजियम दा उद्घाटन बी कीता।

<><><><><><>

### CM-Veterans Day

मुख्यमंत्री उमर अब्दुल्ला होरें आखेआ ऐ जे सरकार सुरक्षाबलें दे कल्याण लेई बचनबद्ध ऐ। अखनूर च Armed Forces Veterans दिवस दे मौके पर इक कार्यक्रम दे दौरान साबका फौजियें ते उंदे परिवारें दे कट्ट गी संबोधित करदे होई मुख्यमंत्री होरें उनेंगी यकीन दलाया जे सरकार उन्दे कल्याण आस्तै प्रतिबद्ध ऐ। अपने संबोधन च मुख्यमंत्री होरें आखेआ।

मुख्यमंत्री होरें इस दौरान सुरक्षाबलें दे बलिदान ते योगदान लेई उनेंगी श्रद्धांजलि अर्पित कीती। इस मौके पर उपराज्यपाल मनोज सिन्हा होर बी मौजूद हे। अपने संबोधन च उपराज्यपाल होरें साबका फौजियें दा आभार प्रगट कीता ते समाज आस्तै निरंतर सेवाएं लेई उंदी प्रशंसा कीती।

<><><><><><>

### Soldier Injured

राजौरी जिले च कब्जा रेखा कोल होए दे इक चानचक्क धमाके च घट्ट कोला घट्ट 6 फौजी जवान घायल होई गेन। स्हाढे संवाददाता मूजब इक फौजी दस्ता अपनी नियमित गश्त दौरान बारूदी सुरंग दी चपेट च आई गेआ जेदे चलदे एह हादसा होआ। एह चानचक्क आहला धमाका राजौरी जिले च नौशेरा इलाके दे भवानी सेक्टर दे मकड़ी इलाके च होआ ऐ। घायल जवानें गी 150 जनरल अस्पताल राजौरी च भर्ती करवाया गेआ ऐ ते उत्थे उंदा इलाज चला करदा ऐ। सब्भनें घायल जवानें गी मामूली चोटां आई दियां न ते उंदी हालत स्थिर बनी दी ऐ।

<><><><><><>

### Badhaal Deaths

सरकारी मैडिकल कालेज जम्मू च इक होर न्याणे ते जीएमसी राजौरी च इक बर्जुग दी मौत होई जाने कन्नै राजौरी दे कोटरंका दी बुद्धल तैहसील दे गडाहल ग्रांस च कुसा संदिग्ध अनजान बमारी कारण मरने आलें दी गिनतरी 12 पुज्जी गेई ऐ। बुद्धल च बने दे हालातें गी दिक्खदे होई डिप्टी कमीशनर राजौरी अभिशेक शर्मा होरें जाति तौर पर स्थिति पर तक्क रखी दी ऐ। सेहत मंत्री स्कीना इत्तू होरें भरोसा दोआया ऐ जे इस सरबंध्य च जांच कीती जा र दी ऐ ते मैडिकल टीमें गी कम्मे पर लाया गेदा ऐ। मीडिया कन्ने गल्ल करदे होई मंत्री स,कीना इत्तू होरें आखेआ-

<><><><><><>

## Makkar Sankranti

मकर संक्राति दा ध्यार अज्ज मुल्खै दे बक्ख-बक्ख हिस्सें च मनाया जा'रदा ऐ। अज्जै मगरा मौसम च बड्डा बदलाव औंदा ऐ ते दिन बड्डे होना शुरू होई जंदे ना। इस घ्यार गी मुल्ख दे बक्ख-बक्ख हिस्सें च बक्ख-बक्ख नाएं कन्नै जानेआ जंदा ऐ। इसी तमिलनाडू च पोंगल, गुजरात च उत्तरायण, असम च भोगाली बिहू ते पच्छिम बंगाल च पौश संक्राति दे तौर पर मनाया जंदा ऐ। जम्मू कश्मीर च बी लोक अज्जै दे रोज पवित्र नदिएं, सरोवरें च स्नान, मंदरै च विशेश पूजा अचर्ना ते जग करै करदे ना। डुग्गर प्रांतै इस रोज मांए दी खिचड़ी खाने ते बंडने दा रिवाज ऐ।

<><><><><><>

## Vaishno Devi Cave

अज्ज मक्कर संक्राति दे मौके पर श्री माता वैष्णो देवी जी दे दरबार च परानी गुफा गी श्रद्धालुएं लेई खोलेआ गेआ ऐ। अज्ज बडलै दी आरती दे बाद खोली गेदी एह परानी गुफा मेद ऐ जे कोई इक म्हीने तगर खुल्ली दी रौहग जां जिच्चर श्रद्धालुएं दा रश परतियै नेई बधी जंदा। ध्यानजोग ऐ जे हर ब'रे मककर संक्राति दे मौके पर इस प्राचीन गुफा गी श्रद्धालुएं लेई खोल्ली दित्ता जंदा ऐ। श्री माता देवी श्राईन बोर्ड आस्सेआ एदे लेई खास इन्तजाम कीते गेदे न तां जे श्रद्धालुएं गी कुसै चाल्ली दी असुविधा पेश नेई आवै। श्रद्धालुएं गी आक्खेआ गेआ ऐ जे ओह दिशा निर्देशें दी पूरी चाल्ली पालमा करना। साहडे जिला संवाददाता कन्ने गल्ल करदे होई श्री माता वैष्णो देवी श्राईन बोर्ड दे मुख् कारजकारी अधिकारी अंशुल गर्ग होरें आक्खेआ

<><><><><><>

## Mahakumbh-Train Katra

उत्तरी रेलवे नै घोषणा कीती ऐ जे भारतीय रेलवे आसेआ श्री माता वैष्णो देवी कटडा ते प्रयागराज बश्कार महाकुम्भ 2025 दौरान त्रै विशेष रेल गड्डियां चलाइयां जाडन। पैहली रेल गड्डी श्री माता वैष्णा देवी कटडा थवां 24 जनवरी गी चलोग। अगलियां दो रेल गड्डियां 7 फरवरी ते 14 फरवरी गी चलडन। इनें विशेष रेल गड्डिएं दा मकसद लोकें गी सुचारू ढंगै सिर प्रयागराज पजाना ऐ। इस जत्र कन्नै उत्तरी रेलवे नै इस पवित्तर आयोजन च श्रद्धालुएं गी सेवा उपलब्ध करोआने दी अपनी बचनबद्धता गी फ्ही दोहराया ऐ।

<><><><><><>

## JJM-Review Meeting

जम्मू-कश्मीर च जल जीवन मिशन दे निदेशक खुर्शीद अहमद शाह होरें राजौरी जिले च जल जीवन मिशन तैहत चला रदे कम्मै दा जायजा लैता। वर्चुअल ढंगै सिर लग्गी दी बैठक च मिशन डायरेक्टर होरें चला'रदे सारे कम्में गी समेंसिर पूरा करने लेई आखेआ तां जे हर घर जल तैहत 100 फीसद लक्ष्य गी हासिल कीता जा। उनें मुतलका अधिकारिएं गी आखेआ जे ओह थाहरें दे

टकोहदे मामलें गी हल करन ते कम्मै दी रफतार गी तेज करन तां जे समें-सीमा अंदर कम्म सबूरा होई सकै।

<><><><><><>

## Weather

जम्मू कश्मीर च औने आले किश दिनें दरान मौसम साफ ते खुशक रौहने दी मेद ऐ। मौसम विभाग नै औंदी 16 तरीक लेई किश उच्चिणं धारें पर हल्की बर्फबारी होने दी मेद जाहिर कीती ऐ। मौसम विभाग नै आखेआ जे औंदी 19 तरीक तगर मौसम च कुसै बड्डे बदलाव दी मेद नेई ऐ। तोआई जम्मू श्रीनगर राश्ट्रीय जरनैली सडक एनएच-44 पर गड्डिणं दी आओजाई दौनें बक्खी दा जारी ऐ। लोकें गी सलाह दित्ती गेई ऐ जे ओहू दिनै गै पूरे अनुशासित ढंग्गै कन्नै सफर करन। उआं ऐतिहासिक मुगल रोड अजें बी गड्डिणं दी आओजाई लेई अजें बी बंद ऐ।

<><><><><><>